


Dragi čitaoci najtiražnijeg specijaliziranog magazina u Bosni i Hercegovini, nadamo se da ste spremni dočekali proljeće, koje je ove godine došlo i prije nego što smo očekivali.

Kao redakcija InStore magazina, svjesni smo svoje uloge u kreiranju okruženja. Odgovornost i profesionalizam koji smo pokazali proteklih godina su temelj našeg budućeg razvoja, a naša snaga ste upravo vi, naši čitaoci i naši partneri koji ste sve ove godine zajedno sa nama radili na stvaranju dodatne vrijednosti. Hvala vam još jednom i pozivamo vas da i dalje radimo zajedno kako bismo stvorili pretpostavke za kreiranje boljeg poslovnog okruženja.



U prošlom broju smo najavili još bolji i sadržajniji magazin čija je osnovna uloga povezivanje i razumijevanje ljudi i businessa. InDodatak kao poseban dio InStore magazina je rezultat zajedničkog rada i predstavlja novu vrijednost za sve nas. InDodatak će u širem kontekstu ponuditi razumijevanje proizvoda i usluga bez kojih ne možemo zamisliti naš svakodnevni posao. Za sve kompanije koje će biti dio dodataka ovo je jedinstvena prilika da svojim potencijalnim korisnicima/kupcima prezentiraju svoje usluge i proizvode. Čitaoci magazina će na jed-

nom mjestu pronaći sveobuhvatnu informaciju o ponudi, te na osnovu relevantnih informacija bit će u prilici donijeti najbolju odluku.

Ostvarujemo svoja obećanja i zbog toga smo izuzetno ponosni. Upravo zbog te činjenice i želimo govoriti o dodatnoj vrijednosti, kao osnovnom pokretaču tržišta. InStore magazin kroz komunikacijsku platformu nudi svojim čitaocima i kompanijama koje komuniciraju sa tržištem, jedinstvenu priliku za međusobno razumijevanje. Smjer u kojem se razvija komunikacija ide od medijskog oglašavanja ka direktnoj formi komunikacije, od masovnih medija ka niše medijima, a rezultat je dvosmjerna komunikacija, koja je u svojoj osnovi i najvredniji rezultat komunikacije.

InDodatak je platforma direktne komunikacije koja je tematski snažno povezana sa core businessom. Teme o kojima ćemo govoriti su duboko integrirane u svakodnevni posao, riječ je o komercijalnim vozilima, finansijskim uslugama, telekomunikacijskim uslugama, novim tehnologijama i team buildingu.

Svakodnevno tragamo za najboljim rješenjima, pronalazimo opcije i kreiramo nove mogućnosti. Govorimo o vrijednostima i iniciramo aktivnosti. Kroz komunikaciju i razumijevanje unapređujemo naš svakodnevni posao.

Za InStore magazin ovo je godina investicije, investicije u tržište kroz znanje i razumijevanje. Rezultat je dodatna vrijednost, napredak i promjena na bolje.

Želja nam je da kroz InDodatak obogatimo vaše iskustvo čitanja In Store magazina. Ujedno da zajedno radimo na razvoju tržišta u svim njegovim segmentima prvenstveno kroz komunikaciju i razumijevanje.

Svima vama darujemo još bolji i sadržajniji InStore magazin. Vjerujemo da ćete i ovoga puta pronaći informacije koje će vam olakšati poslovanje i otvoriti nove mogućnosti.

*Redakcija magazina InStore*